

netres. post hanc alias duas, utrinque nimirum unam duces, cum illa rectos angulos facturas. Sectionum labra unguibus apprehensa inuicē modicē dirimes, & uteri tunicam solis manibus à secundina sensim diuelles, uenarum arteriarumq; ora ex utero in secundinam pertinentiarum pens, quod in partui proximis feceris facilius. Exemptum ab utero unā cum suis inuolucris <sup>f. vi. 1. b.</sup> <sup>figure 30.</sup> tum in peluim aqua plenam repones, atrum & uiridem quodammodo liquorem abluens, qui ex effractis uasorum oris promanat, secundinaq; obducitur. Modò autē diligenter secundinae substantiam, & quaecunque in illa spectanda sunt unguibus aut cultello examinabis, id imprimis animaduertēs, num ipsa membrana quæpiā sit uniuerso foetui obducta: an tantum instar latioris cinguli sit, lienis substantia efformati. Atque hīc etiam sedulò expendes, qualiter secundinae substantia externae superficiei eius inuolucris pertinaciter obnascatur, quod farmicinis imagini comparamus, secundumq; seu medium inuolucrum nuncupamus. Vbi itaq; secundinae naturam adamussim examinaueris, foetum hunc inde attolles, secundi illius inuolucris naturam consideraturus, quam simulatq; exterius inspexeris, atque qui totum foetum ambiat didiceris, cultello id alicubi pertundes, & foetus urinam profluere sines, ipsumq; inuolucrum à foetu <sup>g. vi. 1. b.</sup> <sup>figure 30.</sup> uertes, atque ab umbilici uasis dependere tantisper sines, donec intimi quoque foetus inuolucris sudorem continentis harmoniam didiceris. Hoc itaq; pertusum & sudore euacuatum à foetu <sup>b. quædam dūm 4. 1. b.</sup> <sup>figure 30.</sup> amouebis, & ab umbilico etiam propendere sines, uasa umbilici inuicem disungens, meatum illum præcipuè reperturus, cuius beneficio fecus urina in secundum ipsius inuolucrum perfertur. Inuenies aut hunc promptē, si cultello uenas & arterias qua umbilico proximæ sunt, diuideris, ac meatum in ipsorum medio repositum indagaues. Abscissis his umbilici uasis unā cum foetu inuolucris, & foetu in mensam extenso, à clauiculis per costarum cartilagineas ad pubis usque os sectionem in sinistro magis latere cultro aut nouacula molieris, quæ in thorace & peritonæi usque cavitatem pertingit: deinde ab umbilico uenam in iecur & arterias, ad suos quibus inferuntur ramos, & meatum urinam deducētē ad uesicæ fundum, paruo admodum negotio deduces, omnemq; foetus administrationem absolues. Nisi etiam uisum esset inquire, num in foetu peculiaris aliquis processus à uena caua ad uenalem arteriam, & ab arteria magna in uenam arterialem pertineat. Acetabula uerò in oue aut capra sunt inuestiganda, utero utcunque uisum fuerit diuiso, abundē etenim fuerit uteri comparere cavitatem, quæ in nō prægnantibus uacis oppletur tuberculis ab illis non dissimilibus, ex quibus paulo post sanguis e sede profluxurus est: aut si primo conceptionis tempore eiusmodi diuidatur uterus, tunc sinibus conspicitur decoratus, qui primū à ueteribus dissectionis professoribus acetabuli nomen sunt emeriti. Atq; ita præsentī Capite partium quinto hoc libro traditū administrandi rationem absoluiamus: itaq; corpus sectionis serie reliquimus, ut ad reliquarum partū quas simul in illa administratione non recensui, demonstrationem neuti quam futurū sit inutile.

Umbilici uasorum examen.

Acetabulum ueni examen.

LIBRI QVINTI FINIS.

AN.

ANDREAE VESALII  
BRUXELLENSIS, DE HUMANI CORPORIS  
FABRICA LIBER SEXTVS, CORDIS  
famulantibus organis dedicatus, ac mox in fronte figuras sibi proprias  
quò minus & hīc quoq; eadem figuræ uarijs Capitibus  
palsim præfigantur.

PRIMA SEXTI LIBRI  
FIGURÆ.



PRIMAE FIGURAE, EIVSDEMQUE CHA-  
cterum Index.

PRÆSENS figura tantam hominis in dorso cubantis partem ex sinistram  
monstrat, quantam ostendendæ thoracis sedi sufficere arbitrati sumus. Ab antero-  
racis sede et lateribus, ac dein ab aliqua colli regione cutem sectionis serie ademin-  
sculis qui costis obducuntur resectis, costarum ossa à suis cartilaginibus unā cum p-  
berauimus, & costarum ossibus (uti inter secundum sit) effractis, costarum cartilagi-  
nerius dextrum latus attraximus, ut thoracis amplitudo, hancq; inter sepientes men-  
mo, reliquaq; in conspectum uenirent, quæ modo in characterum Indice significab-  
A, A Sinistri lateris costarū indicātur cartilaginee, unā cū pectoris osse, dextrosum sur-  
B, B Intercostales musculi interualla cartilaginum occupantes.  
C, C Costarum à cartilaginibus seuunctarum ossa.  
D, D Intercostales musculi interualla ossium adimplentes.  
E Clauicula hic nuda, atque in sua sede adhuc asseruata cernitur.  
F Venarum, arteriarum, neruorumq; in axillam perreptantium series.  
G Exterior iugularis uena hic mox auulsa cute secantibus occurrens.  
H, H Sinistra thoracis amplitudinem inter diuidens membrana, superficie ipsius sinistra h-  
I, I quam etiam L, M, N & O indicant.  
K Septum transversum ea superficie hic apparens, qua sinistram cavitatis thoracis se-  
Sedes ubi inter diuidendum thoracem membranarum sinistra septo connascitur.

Aa